

鳳臺縣志卷之十七

藝文 詩

魏

苦寒行

魏武帝

北上太行山艱哉何崔巍羊腸阪詰屈車輪爲之摧樹木
何蕭瑟北風聲正悲熊羆對我蹲虎豹夾路啼谿谷少人
民雪落何霏霏延頸長歎息遠行多所懷我心何拂鬱思
欲一東歸水深橋梁絕中道正徘徊迷惑失故路薄暮無
宿棲行行日已遠人馬同時饑擔囊行取薪斧冰持作糜

鳳臺縣志

卷之十七 詩

一

悲彼東山詩悠悠使我哀

晉

扶風歌

劉琨

水經注丹水東南流注於丹谷卽劉越石扶風歌所謂
丹水者也

朝發廣莫門暮宿丹水山左手彎繁弱右手揮龍淵顧瞻
望宮闕俯仰御飛軒據鞍長歎息淚下如流泉繫馬長松
下發鞍高岳頭烈烈悲風起泠泠澗水流揮手長相謝哽
咽不能言浮雲爲我結歸鳥爲我旋去家日已遠安知存

與亡慷慨窮林中抱膝獨摧藏麋鹿遊我前猿猴戲我側
資糧既乏盡薇蕨安可食攬轡命徒侶吟嘯絕巖中君子
道微矣夫子故有窮我欲盡此曲此曲悲且長棄置勿重
陳重陳令心傷

陳

并州羊腸坂

江總

三春別帝鄉五月度羊腸本畏車輪折翻嗟馬骨傷驚風
起朔鴈落照盡扶桑關山定何許徒御慘悲涼

唐

鳳臺縣志

卷之十七 詩

二

登澤州城北樓

陳子昂

平生倦遊者觀化久無窮復來登此國臨眺與君同坐見
秦兵壘遙聞趙將雄武安君何在長平事已空且歌元
曲御酒舞薰風勿使青衿子嗟爾白頭翁

太行苦熱行

劉長卿

迢迢太行路自古稱險惡千騎儼欲前羣峰望如削火雲
從中起仰視飛鳥落汗馬卧高原危旌倚長薄清風何不
至赤日方煎爍石露山木焦鱗窮水泉涸九重今旰食萬
里傳明略諸將候軒車元凶愁鼎鑊何勞短兵接自有長

纓縛通越事豈難渡瀘功未博朝辭羊腸坂夕望具
漳水斜遶營常山遙入幕永懷姑蘇下因寄建安作白
和難成滄波意空託陳琳書記好王粲從軍樂早晚歸漢
庭隨公上麟閣

奉和李大夫同呂評事太行苦熱行兼寄院中諸公

獨孤及

駟馬上太行修途亘遼碣王程無留駕日昃未遑歇請問
此何時恢台朱明月長蛇稽天討上將方北伐明主命使
臣皇華得時傑已忘羊腸險豈憚濕風熱搖策汗滂滄登
鳳臺縣志
卷之十七 詩
三

岸思 結炎雲如烟火谿谷將恐竭晝景艱可畏涼飈何
由發山長飛鳥墮目極行車絕趙魏方俶擾安危俟明哲
歸路豈不懷飲水有苦節會同傳檄至疑議立談決況有
阮元瑜翩翩秉書札起予歌赤坂永好踰白雪誰念剖竹
人無因執羈紲

七月一日曉入太行山

李賀

一夕遶山秋香露溘蒙葭新橋倚雲阪侯蟲新露撲洛陽
今已遠越衾誰爲熟石氣何妻淒老莎如短鏃

初入太行路

白居易

天冷日不光太行峯蒼莽嘗聞此中險今我方獨往馬蹄
凍且滑羊腸不可上若此世路難猶自平於掌

初冬月夜得皇甫澤州手扎并詩數篇因遣報書偶

題長句

清冷玉韻兩三章落箔銀鈎七八行心逐報書懸雁足夢

尋來路遶羊腸水南地空多明月山北天寒足早霜

履道所居

在水南澤州在太行之北地也

最恨潑醅新熟酒迎冬不得共君嘗

石佛谷

皇甫曙

漫澶太行北千里一塊石平腹有谿谷深廣數百尺土僧

鳳臺縣志

卷之十七 詩

四

何爲者老草毛髮白寢處容身龕足膝隱成跡金仙琢靈
像相好倚北壁花座五雲扶玉毫六虛射文人留紀述時
事可辨析鳥趾巧均分龍骸極癯瘠枯松潤槎枿猛獸恣
騰擲蝘蝓蟲食縱懸垂露凝滴精藝貫古今窮巖誰愛惜
託師禪誦餘勿使塵埃積

北上行

李白

北上何所苦北上緣太行磴道盤且峻巉巖凌窮蒼馬足
蹶側石車輪摧高岡沙塵接幽州烽火連朔方殺氣毒劔
戟嚴氣裂衣裳奔鯨夾黃沙鑿齒屯河陽前行無歸日返

顧思舊鄉慘憾冰雪裏悲號絕中腸尺布不掩體皮膚裂
枯桑汲水澗谷阻採薪壠坂長猛虎又掉尾齒牙皓秋霜
草木不可飡餓飲零露漿歎此北上苦停驂爲之傷何日
王道平開顏覩天光

偶然作六首之一

王維

日夕見太行沉吟未能去問君何以然世網嬰我故小妹
日成長兄弟未有娶家貧祿旣薄儲蓄非有素幾回欲奮
飛踟躕復相顧孫登長嘯臺松竹有遺處相去詎幾許故
人在中路受染曰已薄禪寂曰已固忽乎吾將行寧俟歲

鳳臺縣志

卷之十七 詩

五

云暮

將之澤潞留別王郎中

李端

弱年知己少前路主人稀貧病期相惜艱難又憶歸事成
應未卜身賤又無機幸到龍門下須因羽翼飛

送李端之澤潞

耿漳

世上許劉正洋洋風雅聲客來空改歲歸去未成名遠近
天初暮關河雪半晴空懷諫書在回首繼承明

早登太行山中言志

元宗

清蹕渡河陽凝笳上太行火龍明鳥道鐵騎繞羊腸白霧

埋陰壑丹霞助曉光
澗泉含宿凍山水帶餘霜
野老茅爲屋樵人薜作裳
宣風問耆艾敦俗勸耕桑
涼德慙先哲徽猷慕昔皇
不因今展義何以冒垂堂

奉和聖製早登太行山率爾言志

張九齡

孟月攝提貞乘時我后征
晨嚴九折度暮戒六軍行
口御馳中道風師卷太清
戈鋌林表出組練雪間明
動植希皇豫高深奉睿情
陪游七聖列望幸百神迎
氣色煙猶喜恩光草尚榮
之衆稱萬歲今此復同聲

前題

蘇頌

鳳臺縣志

卷之十七 詩

六

北山東入海馳道上連天
順動三光注登臨萬象懸
俯觀河內邑平指洛陽川
按蹕夷關險張旗巨井泉
曉巖中警柝春事下蒐田
德重周王問歌輕漢后傳
宸游鋪令典睿思起芳年
願以封書奏迴鑾禪肅然

前題

張說

六龍鳴玉鑾九折步雲端
河絡南浮近山經北上難
羽儀映松雪戈甲帶春寒
百谷晨笳動千巖曉仗攢
皇心感韶節敷藻念人安
旣立省方館復建禮神壇
扈蹕參天老承榮忝夏官
長勤百年意思見一勝殘

前題

張嘉貞

明發扈山巔飛龍高在天山南平對鞏山北遠通燕瞻彼
岡巒峻憑茲土馬妍九圻行若砥萬谷輾如川羅網開三
面閭閻問百年澤將春雪比文共曉星連溪后逢今聖登
臺謝曩賢唯餘事君節不讓古人先

前題

苗晉卿

金吾戒道清羽騎動天聲砥路方南紀重巖始北征關樓
前望遠河邑下觀平喜氣迴輿合祥風入旆輕祝堯三老
至會禹百神迎月令農先急春蒐禮復行仍親后土祭更
禮晉陽兵不似勞車轍空留八駿名

鳳臺縣志

卷之十七 詩

七

餞澤州盧使君

蘇頲

聞道降綸書爲邦建綵旟政憑循吏往才以貴卿除詞賦
良無敵聲華藹有餘榮承四岳後請絕五天初關路通秦
壁城池接晉墟撰期行子賦分與列侯居別望喧追餞離
言繫慘舒平蕪寒葢亂喬木夜蟬疎寥泐秋先起推移月
向虛舊交何以贈客至待烹魚

題澤州石佛閣

李華

覽勝詩千首登高酒一壺此情誰管領分付石浮圖

琵琶泐

權 澈

咨予白髮年始佐丹水曲夙願解塵組幸茲洗煩欲琵琶
翠泐湛且清屏風畫壁勢相迎檉栢颺颺雜風雨龜龍暘
睽游虛明北行七里靈跡潭中聖字看歷歷一符君德
應明時一契吾真誓幽適由來此泐 傳今夕覩之信
可憐夷猶頓使宦積薄日暮濯纓心浩然

送李相公昭義平復起北宣慰員外副行

顧非熊

天井雖收寇未平所司促戰急王程曉馳雲騎穿花去夜

鳳臺縣志

卷之十七 詩

八

與星郎帶月行新詠盡題關外事故鄉因過洛陽城時逢
寒食游人識竟說從來有大名

行次昭應縣道上送戶部李郎中充昭義攻討

李商隱

將軍大旆掃狂童詔選名賢贊武功暫逐虎牙臨故絳遠
含雞舌過新豐魚遊沸鼎知無日鳥覆危巢豈待風早勒
勲庸燕石上佇光綸綉漢廷中

韋道安

柳宗元

道安本儒士頗擅弓劍名二十遊太行暮聞號哭聲疾驅

前致問有叟垂華纓言我故刺史失職還西京偶爲羣盜
得毫縷無餘贏貨財足非恠二女皆娉婷蒼黃見驅逐誰
識死與生便當此殞命休復事晨征一聞激高義皆裂肝
胆橫掛弓問所往趨捷招崢嶸見盜寒礮陰羅列方忿爭
一矢斃酋帥餘黨號且驚麾令遞束縛纏索相拄撐彼妹
久褫魄刃下俟誅刑却立不親授諭以從父行捃収目擔
肩轉道趨前程夜燈敲石火山林如晝明父子更抱持涕
泗分交零頓首願歸貨納女稱舅甥道安奮衣去義重利
固輕師婚古所病合姓非用兵揭來事儒術十載所能逞

鳳臺縣志

卷之十七 詩

九

慷慨張徐州朱邸揚前旌投驅獲所願前馬出王城轅門
立竒士淮水秋風生君侯旣卽世麾下相欹傾立孤抗王
命鐘鼓四野鳴橫潰非所壅逆節非所嬰舉頭引白刃顧
義誰顧形烈士不忘死所死在忠貞咄嗟狗權子翕習猶
趨榮我歌非悼死所悼時世情

題西白澗

韓愈

太行之下清且淺一水盤桓紆山轉千峰萬壑不可數異
草幽花幾曾見波中白石隱復明風翻不動浮雲輕翠巒
玉女下雙鶴笑倚秋練開新晴又疑武陵溪上原桃花溪

盡空潺湲幽泉間復逗崑側噴珠漱玉相交喧羣猿見
走絕壁緣峰虛梯弗勞力鳴禽回面背人飛爲是從來不
相識杖藜因貪仰面看碍石牽蘿錯移屐路窮曲屈疑欲
回迤邐屏開一重碧殘樽遇坐酒卽傾旋摘山果都無名
題詩且欲盡佳句觸歌翻詠仙難成天門幽深十里西無
奈落日催人歸誰能可屬天宮事爲我乞取須臾期上天
無梯日不顧牢落歸來壇未暮閉門下馬一衾寒夢想魂
馳在何處

題遠公經臺

祖詠

鳳臺縣志

卷之十七 詩

十

蘭若無人到眞僧出復稀苔侵行道席雲濕坐禪衣澗鼠
緣香案山蟬噪竹扉世間長不見寧止暫忘歸

丹水

杜牧

何事苦縈迴離腸不自裁恨身隨夢去春態逐雲來沈定
藍光徹喧盤粉浪開翠巖三百尺誰作子陵臺

曉發天井關寄李師晦

許渾

山在水滔滔流年欲二毛湘潭歸夢遠燕趙客程勞露曉
紅蘭重雲晴碧樹高逢秋正多感萬里別同袍

天井關

韋莊

太行山上雲深處誰向雲中築女墻短綆詎能垂玉甃
垣何用學金湯劖開嵐翠爲高壘截斷雲霞作巨防守吏
不教飛鳥過赤眉何路到吾鄉

聞前王使君在澤潞居

貫休

爲善無近名竊名者得聲不如心誠哉是言也使君聖朝
瑞乾符初刺婺德變人性靈筆變人風土煙霞與蟲鳥和
氣將美雨千里與萬里各各來相附信哉有良吏元識應
百數東陽古者相傳有記云刺史滿一百郎有好刺史來
後有大寇至使君來正當一百人兩年後果有黃賊
來公避地遠去古人古人自古人今日又見民歌六七袴不幸大

鳳臺縣志

卷之十七 詩

十一

寇崩騰來孤城勢孤固難錮攀轅既不及旌旆衝風露大
駕己酉幸飄零何處去婺人空悲哀對生祠泣沾莓苔忽
聞暫寄河之北兵強四面無塵埃唯祝鑾輿早歸來用此
咎繇仲虺才使四野霧廓八紘鏡開皇天無親長與善鄰
宜哉宜哉

宋

依韻酬母湜推官

澤人有金進士母
彦倫係湜之後

范仲淹

聖門非入室文陣敢爭盟不意棲雲閣何才隸月卿珍禽
憐未至霄鶚引修程直舍有仙味秘庭無俗聲午陰宮樹

綠宵刻禁鐘清奉制歌三秀稱觴聽古英恩輝孤易感文
結淡難成新髮鑑中改舊山天際橫纓思漁父濯春伴隼
旃行桃浪觀秦塞薰風省舜城幾多興廢跡重疊古今情
進退思先覺蹉跎畏後生見貽如美錦欲報念英瓊淨揖
澄江練高窺擢露莖復驚聞正始終仰輔登閱好勵圖南
志翱翔覽四瀛

太行

司馬光

象帝胚渾散愚公轍迹開橫行四極外蟠據九河隈第鬱
天關近崢嶸地軸回陽崖明草樹陰壑轉風雷波沓羣峰

鳳臺縣志

卷之十七 詩

十二

涌雲奔峭壁來猿崑垂磊落龍窟鬪喧豨噴雨驚湍灑跳
星巨石頽平塗憂屐折跬步戒輪摧覆頂千春雪緣潭萬
古苔谷盤容國土髓裂餌仙才晉市飛樵札燕郊落燒煤
碁圖分冀野蟻壤認叢臺在昔王塗塞嘗聞霸略恢嚴關
陰伏甲間道夜銜枚挾詐揮金斗貪功襲墨線戰場空爍
火京觀悉蒿萊險易曾何變興亡只可哀隆平方恃德襟
帶自崔嵬

苦寒行

窮冬北上太行嶺霰雪糾結風崢嶸熊潛豹伏飛鳥絕一

逕僅可通人行僮饑馬羸石磴滑戰慄流汗皆成冰妻愁
兒號強相逐萬險歷盡方到并并州從來號慘烈今日乃
信非虛名陰煙苦霧朝不散旭日不復能精明跨鞍攬轡
趨上府髮拳鬚磔指欲零炭爐炙硯湯涉筆重複畫字終
難成誰言醇醪能獨立壺腹迸裂無由傾石脂裝火近不
熱蓬勃氣入頭顱腥仰慚鴻鴈得自適隨陽南去何溟溟
又慚鵠鳥識時節巖穴足以潛微形我來蓋欲報恩分契
濶非徇利與榮古人有爲知己死只恐凍骨埋邊庭中朝
故人豈念我重裘厚履飄華纓傳聞此北更寒極不知彼

鳳臺縣志

卷之十七

詩

十三

民何以生

送仲更歸澤州

太行橫擁巨川回三晉由來產異才展墓乘春走鄉陌負
書拂曉下蘭臺河陽路側花應合天井關頭雪未開會使
鄉人驚六印莫羞今日敝裘來

謝王澤州寄長松兼簡張天覺二首 蘇軾

莫道長松浪得名能教覆額兩眉青便將徑寸同千尺知
有奇功似茯苓

憑君說與埋輪使速寄長松作解嘲無復青黏和漆葉枉

將鍾乳敵仙茅

送張天覺河東提刑

送君應典鸛鷖裘憑仗千鍾洗別愁脫帽風流餘長史埋
輪家世本留侯子河駿馬方爭出昭義疲兵得少休定向
秋山得佳句故關黃葉滿行輶

琵琶泐

楊謨

晉城出郭十里餘嫩柳山花滿巖麓蒼苔蹭蹬步亦艱百
丈懸崖掛層屋老僧正睡門不開習習陰風起幽谷耳聵
不聞琵琶聲但見一泐春水綠

鳳臺縣志

卷之十七 詩

十四

訪益上人蘭若

嚴羽

獨尋青蓮宇行過白沙灘一徑入松雪數峯生暮寒山僧
喜客至林閣借人看吟罷拂衣去鐘聲雲外殘

古詩

黃廉

河東人物氣勁豪澤州學者如牛毛大家子弟弄文墨其
次亦復跨弓刀去年較射九百人五十八人同賜袍今年
兩科取進士落鈞連引十三鰲邇來習俗益趨善家家門
戶爭相高驅兒市上買書讀寧使田間禾不薈我因行縣
飽聞見訪問終日忘勤勞太平父老知此否語汝聖世今

難遭欲令王民盡知教先自鄉里烝羣髦古云將相本無
種從今着意鞭兒曹

錢東之教授惠澤州呂道人硯爲賦長句

陳與義

君不見銅雀臺邊多事土走上觚稜蔭歌舞餘香分盡垢
不除却寄書林污縑楮豈如此瓦凝青膏冷面不識奸雄
曹呂翁已去泫餘泣通譜未許宏農陶暮年得君眞耐久
摩挲玉質雲生手未知南越石虛中亦有文章似君否西
家撲滿本弟昆趣清尚濁何年分一朝墮地眞瓦礫莫望

鳳臺縣志

卷之十七

詩

十五

韓公無瘞文

奉答勲師山中見寄

李之才

羨子幽棲地空山十月天清簷朝飮後寒壁夜深禪霜樹
留殘果冰岨斷舊泉劉雷好爲社邑客有誰賢

秋郊晚望

善勲

華郭外登臨凝眸秋色深樹凋分岳面雲破露天心斷雁
當空續殘陽隔隴沉盤桓傷急景回首動微吟

太行道

蘇舜欽

行行太行道一步三太息念厥造化初夫何險此極左右

無底壑前後至頑石高者欲作天朋黨深者疑斷地血脉
夜中巖下埋斗杓日午陰壁風雷號攀緣有路到絕仞四
望羣峰合沓如波濤忽至偏側處咫尺顛墜恐莫逃嗟乎
古昔未開時隔絕往來人不思淳源一破山岳碎巧心遂
至緣險巖險巖不窮甚可畏悼此二者亡其宜天地不自
嶮嶮由人爲之彼車摧輪馬傷足中路勿歎勿痛哭世上
安塗故有焉孰使汝行此道驅高軒喪墜不收宜爾然

宋騎吹曲李侍中妾歌

謝翱

李筠愛將惟儋珪美人姓劉筠侍兒城危搶撥不得力雨

鳳臺縣志

卷之十七 詩

十六

損鉛華帳下啼擁髻前言馬有幾猶說閨中那問此赤龍
從東乘日車火繞城門內蛇死英雄際會風雲奔婦人思
報羅裳恩

上太行

徐範

路繞羊腸躡屐躋萬山金碧總堪題舉頭日月中天近極
目乾坤五岳低自笑鹽車騏驥厄誰憐荆棘鳳凰棲欲投
古寺禪房宿喜見僧歸落日西

過太行山

茫茫遠樹隔烟霏獵獵西風振客衣山雨未晴嵐氣涇溪

流欲盡水聲微回車廟古丹青老碗子城荒草木稀珍重
狄公千載意馬頭重見白雲飛

兒歸行

孔武仲

竹元珍云澤州山中暮春之月有鳥啼曰兒歸者其聲
甚哀問之鄉民云昔有里婦愛其子而憎前室之子欲
逐之未有計乃於種麻時熟其半生其半使二子分種
曰麻生乃得歸而誤以熟者與已子久之所惡之子歸
而已子不返往視之則已化爲飛禽啼曰兒歸今鄉人
以爲種麻之時候余謂人之憎愛藏乎胸中陰謀所發
鳳臺縣志

卷之十七 詩

十七

乃在分種之際而心手倒錯事與願違朝人暮禽子母
生隔似有巧者主張幹旋於冥冥之間天網雖疎其應
甚密則夫爲人上而接其下用心積慮可不戒哉又知
天之所以垂戒示迹於人者殆將使之推類以自廣非
獨此一女子也乃作詩以記之

兒歸兒不歸朝爲母子歡暮爲禽鳥飛故居不得返深林
安可依此身寂寞已如此我母在家應憶子子今豈不思
其親空有舊心無舊身兒歸兒不歸春已暮朝多風夕多
雨山雖有泉隴無黍兒寒有誰訴兒饑與誰語萬物卵翼

皆相隨兒今不得兒子母兒歸兒不歸年年三月種麻時
此聲煩且悲聞昔一母而兩兒於己所生獨愛之麻生指
作還家期唯憎者來愛者去物理返覆不可知天公豈欲
故如此善惡報敏如墳箴至今哀怨留空山長爲鑒戒子
母間豈獨行客愁心顏兒歸摧痛傷心肝

金

藺相如墓

田天澤

翠疊峰巒步幃新上卿廟貌萬年春可憐完璧歸來後故
里蕭蕭也入秦

鳳臺縣志

卷之十七 詩

十八

寶巖僧舍

宗道

寂寂鐘魚栢滿軒午風輕颺煮茶烟西堂竟日無人到只
許山人借榻眠

晚過壽寧寺

郭俟

稻壠分碁局松門入畫圖牛羊歸自急鷗鷺宿相呼落日
低青嶂高風起暝途歸僧上烟靄回首愧區區

攬秀軒

寺得新游處軒餘舊賦詩山川蒲子國松柏晉侯祠行止
非人力登臨且歲時道人應笑我真負鹿門期

三月望日次邊德舉攬秀軒

水遶千家邑山圍一席天
桑麻新雨露檜柏老風烟
夢後餘芳草愁時更杜鵑
亦知推不去端用得忘年

遊法輪院

許安仁

太行岡嶺橫漫漫撐空一帶雲霞間
巨鰲背負數州出重重山上復有山高
都城頭見松嶺突兀雙峯螺髻並招邀
析城揖王屋指顧硤石瞰天井蕭蕭風
葉滿山秋巖巒掩抱雲林幽攀崖轉壑
路欹側雖有佛刹誰曾遊年豐郡邑閑
無事琴酒招呼二三子題詩古壁贈山
僧畧記衰翁曾到此

鳳臺縣志

卷之十七

詩

十九

宿福巖禪院

硤石巉巖一逕幽神功開鑿幾經秋
青蓮殿閣千山擁丹水波濤萬古流
林壑深埋龍虎氣雲烟誤入鳳麟洲
今宵擲筆臺邊月來照幽人物外遊

青蓮寺

硤石山藏古洞天秀巖水隱老蜿蜒
巨峯蔽日兩株角疊嶂排空三葉蓮
蘭若政當羣景會規撫方悟昔人賢
涅槃大義籠高閣擲筆危臺鎖碧烟

聖迹名山自古傳太行廬阜 雲烟青蓮寺比白蓮社北
遠名齊南遠賢下界林泉蟠萬壑上方樓閣會諸天自憐
未得安心法只有僧窓且遏緣

宿福巖院

壺中烟景水雲閑寺在千巖萬壑間一夜西窗冷無寐臥
看月落鳳凰山

松嶺謁衛公祠

楊廷秀

澤居太行巔繞郭山如帶西南古松嶺傑出羣峰外巉巖
聳熊耳隱隱負鼇背小樓不垂簾倚欄日相對春風遇休

鳳臺縣志

卷之十七 詩

二十

沐浴累謝機械寸心渴登臨老氣鼓衰憊陰崖冰磴滑凌
澗鳥道隘瘦藤盤絕頂清境豁眼界衛公廟貌存英氣凜
如在法輪靈迹古殿閣啟綵繪祖燈相繼續劫火不可壞
盤亭接天壇胸次何芥蒂蒼流會清泚緣絡分支派翠巒
臥浮雲幽壑產珍怪松風咽笙磬巖溜響環珮此來真勝
游所適了無礙不作白頭吟且償行脚債可喚千金兒漫
寫垂堂戒

青蓮寺

青蓮勝概名天下竹杖芒鞋得得來障日亂峰圍翠柏倚

天峭壁老蒼苔一爐沉水藏經閣千古清風擲筆臺欲訪
開山聖賢跡斷碑細與拂塵埃

寶巖紀行

元好問

陰崖轉清深秋老木堅瘦城居望已遠步覺脫氛垢寶巖
夙所愛丈室方再叩曛黑纔入門逕就石泉漱遥遥金門
寺寶焰出巖竇我豈無盡公昔見今乃又同來二三子寢
飯故相就况有杜紫微琴筑終雅奏矐矐上初日深樾炯
穿漏逶迤陟西巘萬景若迎候絕壁三面開仰看勞引脰
兩山老突兀屹立柱圓覆諸峰出頭角隨起隨偃仆不可

鳳臺縣志

卷之十七 詩

二二

無煙霞朝莫爲先後橫亘連巨鼇飛墮集靈鷲九華與竒
巧五老失渾厚想當位置初遂欲雄宇宙太行有硤谷勝
絕無出右大似塵外人眉宇見高秀哀湍下絕壑電激龍
怒鬪崩奔翻雪窖瑩滑瀉瓊甃窮源得懸流偉觀駭初邁
仙人寶樓閣白雨散檐溜天孫拂機絲素錦絢清晝永懷
登高賦意匠因馳驟窘於游暴秦百說不一售林間太古
石稍復抔飲舊已約銘窪尊細鑿留篆籀茲山緣未了僧
夏容宿留終當勾餘年竒探盡雲岫

賦澤人郭唐臣所藏山谷洮石研

研有銘云王將軍
爲國開臨洮有司

歲醜可會者六百鉅萬其於中國
得用者此研材也研作璧水樣

舊聞鸚鵡曾化石不數鵬鵠能瑩刀
縣官歲費六百萬纔
待此研來臨洮元雲膚寸天下徧
壁水直上文星高辭翰
今誰江夏筆三錢無用試雞毛

崆谷聖燈

九月五日作

金門寺前山突起井底寶巖三十里
舊聞聖燈在山上紫
微侍郎宜不妄山空月黑無人聲
林間宿鳥時一鳴游人
燒香仰天立不覺紫烟峯頭一燈出
一燈一燈續一燈山
僧失喜見未曾金繩脫串珠散迸玉丸走
杳光不定飛行

鳳臺縣志

卷之十七

詩

三三

起伏誰控搏華麗清圓自殊勝
北荒燭籠開晦冥南極入
地多異星豈知心光毫相有真遇
物外恍惚終難憑腐儒
心魄爲動蕩再拜中庭謝靈貺
何曾辦作劉更生下照乃
辱青藜杖昨朝黃華瀑流神所憐
今朝金門佛燈佛作緣
紛紛世議何足道盡付馬耳春風前

天井關

石磴盤盤積如鐵牛領成創馬蹄穴
老天與世不相關宣
聖栖栖此迴轍二十年前走大梁
當時塵土困名場山頭
千尺枯松樹又見單車下太行
自笑道途頭白了依然直

北有羊腸

羊腸坂

浩蕩雲山直北看
凌兢羸馬不勝鞍
老來行路先愁遠
貧裡辭家不覺難
衣上風沙欲憔悴
夢中燈火憶團圓
憑誰爲報東州信
今在羊腸百八盤

青蓮寺

宋雄飛

距州僅一舍得造古名寺
龍潭蓄神奇虎徑轉幽邃
樹深峽始門日落山各位
烟霞媚清秋金碧化平地
高僧福閑境造物不能闕
詩人弔陳迹等是夢中記
予生僻林泉卜

鳳臺縣志

卷之十七 詩

一三三

築意未遂區區了公私
萬慮貯曾次此來真有緣
俗事且姑置勝處旣周覽
靜憩宿雙翠獨憐杖履遊
絕勝蕭鼓醉俄然促歸程
却作塵埃吏

五龍祠禱雨

李晏

麥槁禾焦厭火雲
引觴潛禱五龍神
君能借我青驄馬
傾倒天瓢濟此民

聞趙閒閒再起爲翰林

密國公瓚

蓮燭光中久廢吟
一朝超擢睿思深
四朝耆舊大宗伯
三紀聲名老翰林
人道蛟龍得雲雨
我知麋鹿強冠襟
寶巖

涇谷西窓夢不信秋來不上心

魯村道中

鮮于溥

小橋沙路已堪圖更著衰翁跨蹇驢暮靄似催寒日短秋
容仍帶遠林踈鷗盤平野黃榆落兔走橫岡白草枯漸喜
閒身遠朝市一年強半在村墟

寄李用章

秦彥容

先生高見真吾師速營菟裘猶恨遲窓明炕暖十笏地松
風蕭蕭和陶詩山野已尋雲外路直入天壇最深處踏開
李愿舊游踪請君自草盤谷序

鳳臺縣志

卷之十七 詩

一四

埽晴婦

李俊民

世俗爲埽晴婦者蓋假燮理之手導陰陽之和使
民間免乾溢之患也感其事而賦之

卷袖褰裳手持帚挂向陰空便揺手前推後卻不辭勞欲
動不動誰掣肘偶人相對木與土神女但誇朝復暮龍公
不作本分事中間多少閒雲雨見說周人憂旱母寧知東
海無冤婦慙慙更倩封家姨一時斷送龍回首

廟學落成

斯文天未喪吾道已先厄方嗟鳳兮衰遽歎麟也獲繼遭

秦焚書又被魯壞宅邇來天下事多自馬上得不修下車
禮不獻在泮馘不授羽林經不講博士席旁若没字碑肯
見一縫掖偶因長樂老盡挾菟園冊及見中選人始知爲
學益學者如牛毛自古數漢澤連年取青紫易於地芥拾
爭將逸駕攀遂向寒路闢揮之無倚門從者皆入室肅肅
俎豆風洋洋絃歌邑幾時復論秀四海望偃伯缺一字嚮者
誰世無秋風客

壬寅歲旱官爲設食以濟饑民

千里地赤澤未霑驕陽爲沴烈火炎就中秦頭晉尾旱魃

鳳臺縣志

卷之十七 詩

一五

所棲託十室九室突不黔撐腸一飽豈易得咀嚼草木如
薺甜山川課雲職不舉無奈風伯號令嚴民是天民天自
恤何時霹靂起龍潛

兒歸來 禽名

兒歸來兒歸來百年郎罷恨何日寧馨回東去但除嚴母
墓望思空築茂陵臺兒歸來兒歸來一聲未盡一聲哀

辛丑中秋夜與用亨漢臣濟之君祥子昂仲寬及諸

同志聚飲於學宮陰不見月

節物相催近覺頻勝遊携酒意何勤幾人白髮對明月萬

里青天愁片雲嫋嫋風高秋已半厭厭客醉夜將分督郵
氣味從來惡今日罇前也獻芹

戲遂
良酒

莫嫌勝日燕游頻且慰寒窻力學勤白也停杯將問月退
之利劍欲開雲清光難比秋三夜痛飲何辭酒百分況在
泮宮思樂地與君共采水中芹

九日濟之君祥仲寬子昂携酒於漢臣書齋小酌已
而乘興與衆老人會於城西馬氏東籬談笑盡醉
抵莫而歸爲賦此以紀一時之勝事

相扶醉袖出西城翠展秋山一望晴坐上孟嘉嘲未解籬

鳳臺縣志

卷之十七 詩

一六

邊陶令話多情酒猶強飲狂時藥菊莫尋餐落後英興盡
歸來天色莫老人星散月還生

姚子昂壽日

二月
初三

門外風光二月初衣冠把酒慶懸弧一生接物無腸蟹萬
事隨緣短脰鳧坐上書空窺草聖醉中疥壁笑詩奴年來
世事俱嘗遍只合千金養客軀

謁秦吳二主祠

三月十八日與馬子温郭謙甫楊茂之叔姪劉濟
之君祥仲寬姚子昂邢文炳同行

頽垣侈殿夕陽中
血食須同事不同
揖讓干戈兩陳迹
觴拋與落花風

杖藜行處記曾過
草草杯盤野興多
舉目山川縱如舊
一場夢抵幾南柯

贈碧落和講主

蕭蕭古寺掩松間
雨後無人草木閒
掃地家風誰舉似
我師特特爲開山

和王成之梅韻

朝來一雪霧晴沙
行到前村始見花
驛使便將春色去
暗

鳳臺縣志

卷之十七 詩

二七

香今夜落誰家

吳神

山頭多少往來人
香火爭將瓦鼎焚
簫鼓下山人漸遠
晚風吹起一溪雲

大陽與諸友話舊

尋芳來入杏花村
見客人人有典型
不用看碑問前事
坐間一話卽圖經

過碧落寺

流水溪邊一徑通
參差殿閣倚晴空
東林少箇開山祖
何

處人間有遠公

古寺荒涼不計年
庭松相對欲參天
入門不見溪堂主
祖恐蒼髯是老禪

和段正卿韻

出入格

悠然相對酒杯閒
忽有新詩落坐間
喚起東籬無限興
黃花須待與君看
百計尋閒不得閒
功名那取片時間
誰知九日龍山客
却被秋光冷眼看

遊碧落

鳳臺縣志

卷之十七 詩

二八

壬寅重午日陪郡侯段正卿暨王用亨劉漢臣濟
之君祥仲寬姚子昂張唐臣祿卿平陽趙君玉王
潤之同行

浮雲翳炎景長夏愜幽事
相陪林下友其造金碧地
清流漱寒玉老樹聳蒼翠
何人開山祖妙處發天秘
悠悠歲月深剝落磨崖字
遨遊興不淺有酒留客醉
幽鳥背人飛不慣聞鼓吹
抵暮出山門溪風送歸騎

上九里谷與濟之君祥仲寬李德方朱壽之姚子昂

同遊漫興

太行巍巍形勢尊造物設險雄中原巨靈一朝擘石裂連峰忽斷開山門侵雲直上幾千尺挂壁一徑愁攀援十步回頭五步坐慄慄汗出如漿翻清風掖至最高頂下視寰海塵埃昏天壇咫尺若有待顧我不往暫食言世間好處豈不愛脚力雖盡心長存爲君試寫遠游興夜半月出清吟魂

九里谷

九曲羊腸路千層劒戟山行鈎藤蔓刺坐印石花斑樹發三春暮雲歸萬壑閒相陪林下屐雖倦不知還

鳳臺縣志

卷之十七 詩

一九

過星軺

古道開天險危峰拔地形連營南北戍過客短長亭野燒驚山鬼湖雲掩將星何人弄羌管哀怨不堪聽

宿夾谷彥實菴

挂名仙籍上晦迹茂林間門外丹河水牆頭明月山境隨心自遠人與話俱閒應笑紅塵客區區謾往還

遊青蓮

閒攜方外友同謁梵王宮山吐三更旦松搖萬壑風流年飛鳥過浮世落花空不有歸來興何能見遠公

行處春風惡山中勝槩藏漸佳如蔗尾薄險似羊腸翠
雙峰角清臨一水堂夜長僧睡少爲我話興亡

送郡侯段正卿北行二首

征途萬里朔風寒過盡陰山復有山歲旣在於辰己後星
多客向斗牛間漫漫積雪無冬夏劫劫飛鴻自往還若到
龍庭試回首太行一片白雲間

獵獵霜風墮指寒一鞭行色抵天山馬嘶衰草孤烟外雁
沒長空落照間入塞盡穿羶帳過去鄉須待錦衣還功名
大抵黃梁夢薄有田園便好閒

鳳臺縣志

卷之十七 詩

三十

雪後送寶泉之碧落

洒面輕風不作寒天花散落滿人間殷勤行脚休辭遠出
得城門是雪山

下太行

山中日日伴雲閒不見閒雲只見山君去試從山下望青
山却在白雲間

和平太行路韻

鑿開險阻若天成暫使時間眼界平却羨長安西去路青
山不管送人行

水簾洞

倒傾蛟室瀉瓊瑰
孤落空巖雪浪堆
卷地封姨收不起
娥垂下玉鈎來

遊司馬山

千年古廟映崇岡
寂寂空庭草樹荒
見說旱時求得雨
一池應有老龍藏

宿橫望

集唐

遠上寒山石逕斜
月臨荒戍起啼鴉
故鄉今夜思千里
每到花時不在家

鳳臺縣志

卷之十七 詩

三二

遊青蓮寺分韻得春字並序

己亥暮春十月八日劉巨川濟之瀛漢臣王特升
用亨郭甫仲山姚昇子昂史顯忠遂良同遊福巖
禪院與巨川彥廣二山主道舊兵革之餘不勝感
歎仍以春山多勝事爲韻賦詩以紀其來

四面山圍故故青
茶烟榻畔坐忘身
與師貪論安心法
門外飛花送却春

擲筆臺

空山老却涅槃師
擲筆臺前且過稀
雉子豈知身後事
至

今猶傍法堂飛

上桃固嶺

匆匆出郭曉風寒一片雲收爽氣山上盡坡陀試回首人
家住在翠微間

趙倅司馬山謝雨

乙未歲旱自春徂夏五月丙申澤倅趙公唐齋沐
潔誠就司馬山祈禱八日庚子大雨年穀遂登民
物安逸累獲嘉應次年丁酉孟冬己丑公與本郡
僚屬父老人等具牲幣酒醪簫鼓之禮仰答神庥

鳳臺縣志

卷之十七 詩

三三一

仍求嗣歲祭畢聊識歲月云爾

去歲不雨民憂深愆陽亢甚多伏陰冥冥造物豈難料感
以志誠神所歆我公默禱若響應出岫誰謂雲無心天瓢
疑是池中水三日以往皆爲霖淋漓元氣滿人望解愠何
止薰風琴家家豚酒樂豐歲空山鼎沸簫鼓音春祈秋報
有常典仰荷靈貺如桑林

登山同謁吳泰伯祠

老樹凋殘盡靈祠寂歷中古今時易改幽顯意能通歲享
屢豐樂俗追三讓風送迎人散後落日亂山空

段侯行春顯聖觀喜雨

癸丑季春小旱清明後七日段侯正卿行縣回會
名流勝士五十餘人於仙翁山下之顯聖觀須臾
雨作自未至亥而止大滿人望酌酒相賀莫不盡
酣適之興張種德有詩因和韻以紀其盛元帥申
甫段玉使姚昇書於壁

行春冠蓋暫躊躇誰信東山面目疎興盡奚勞風送客氣
和不覺雨隨車移民雖恨梁加少腐粟尤誇漢有餘獨欲

吾儒有何貴自今牛角莫橫書

傷儒人
種田事

鳳臺縣志

卷之十七 詩

三三三

宿仙山朝元觀題示

太行北走開四門川原落落風煙屯仙山西峙如虎踞石
嶺東抱猶龍奔道林中盤百餘畝顧揖殿寢何雄尊仙翁
得仙事恍恍碧霞洞主元元孫百年朝元去不返寶籙秘
泄風雷燉陰靈訶護石壇古老雨留漬蒼苔痕緬懷矯矯
東瀛老變化能大天溟鯤謝公本是濟時具誰使卧老東
山墩豐碑不愧蔡邕筆且拜遺像儼以溫我來夏交樹陰
翳萬橘翠瑣分蘭蓀平生素有林壑癖苦厭闐闐埃霾昏
每來福地愛瀟爽跬步乃與仙凡分山川景氣得人勝喜

對羽客開清尊夜深靜臥日東出林影布地翻瑤琨天風
吹空萬籟息明星當上手可捫恍然人境兩奇絕月露一
洗清心魂世間塵土幾千丈有夢不到瑤臺垠人生幾何
胡不樂倒自跼束駒服轅惜哉清景不可駐一聲啼鳩開
林烟來朝人事隨日出坐看蟻穴蜂衙喧

大陽值雪

掃地陰雲撥不開北風吹落豆稽灰相逢父老應相笑直
待山頭白後來

擬和韋蘇州遊開元精舍

趙秉文

鳳臺縣志

卷之十七 詩

三四

松軒風掃靜終日閉門居犬卧青苔地鳥銜红柿初 死
夜禪起經潤雨翻餘自是少人迹非關來往疎

開元寺

歲久開元寺黃色落石龍瓶深添碧瓷蝸壁篆金容窻影
年年塔禽棲夜夜鐘平生睡秋雨竹閣味偏濃

李道人家山圖

麻九疇

見說高齋住太行溪山襟帶古祠堂圭桐葉落周家雨鐵
樹根盤晉國霜烽火不堪畊夜月畫圖猶可挂殘陽自憐
不及汾州雁春去秋來過石梁

琵琶泐

趙忱

琵琶古泐上白水巨澗東翠巘巖巖植邦人號崆峒祗疑
阿育手造塔餘神功鑿開蒼蘚壁幻出青蓮宮曲徑盤修
蟒危欄繞長虹危磴鐵絙維邃戶石穴通道人老鶴瘦霜
眉覆碧瞳能於阿蘭若具道初與終自昔唐室季盜興廣
明中逃難有瞿曇此地揆蒿蓬始 巖洞陋漸葺棟宇隆
迄今數百載金碧勢 雄我來快登覽燕坐心已融平日
蹈巖險 知在虛空况對佳公子一軒談笑同茗花泛春
雪酒回搖溪風恍爾忘世累翩然若雲鴻遣適憑高興眞
鳳臺縣志

卷之十七

詩

三五

無負衰翁

前題

路元

平昔樂山水宦遊走西東之齊訪靈崑適渭登崆峒暮年
返鄉間碌碌無成功特尋琵琶院如到兜率宮天花散簷
蔔寶光騰彩虹殿閣金碧炫洞穴玲瓏通老僧古雪竇慧
眼明方瞳過溪遠相迓道話良有終暫得浮生閑似脫塵
網中自愧微官縛蹤跡如飄蓬何敢望使君勇辭勢位隆
林泉高興逸吟賞詩筆雄山神知其來氣色徧和融憑高
恣觀覽笑語鳴半空幸陪杖履游所適心腹同臨流古泐

上峭壁鼓清風未免龍中鶴仰羨天邊鴻
薄暮據鞍歸壯哉矍鑠翁

暮春遊峽石山青蓮寺

牛文郁

走馬東郊正暮春看山透出石嶙峋
一灣雲水分金界十里烟霞隔世塵
塔影遙從天外聳青螺浮向畫中皺
我來留宿招提境借扣禪關悟宿因

雪中過寒碧軒訪潛叟道人

吳 鼎

琳宮邃宇藏風烟簷簷競長碧玉椽
縱縱繞屋翫佳色門階戶席俱森然
我來正值天飛雪點綴瓊花更竒絕
旋然見歲寒心道人莫厭勤灑掃此君與我相知深

元

送張仲舉歸晉陽舉進士二首

陳 樵

籍甚張公子詞華衆所推門閭千里望
天地一編詩花落山公宅雲寒杵臼祠
看君歸晉日翻作別家時挂帆謝公浦
把酒闔閭城江柳不忍折春風當別行
關雲連楚暗隴月向吳生葉落長安道
思君北問程

前題

范克昭

古寺蕭蕭山水間
瓊田月滿鶴清閑
石門深鎖天風冷
無着天衣去不還

澤潞卽事雜詩

王 惲

自古徒兵澤潞雄
選齊尤見四州公
堂堂氣與鼙聲壯
閃閃旗翻日脚紅
角聲催日上牙城
白羽風清坐閱兵
盾鼻恐煩磨檄墨
莫教華髮等閒生

過橫望嶺

終日山行不厭山
出山聊喜慰衰顏
朝來橫望關頭路
滿

鳳臺縣志

卷之十七 詩

三七

目風烟看洛川

遊青蓮寺

上方層閣倚晴烟
回合諸峰聳碧蓮
午枕不容詩夢就
天風吹雨下危顛

山行雜詩

太行元氣老洪濛
草樹風前帶潤容
山色只宜差遠看
近移空翠上高峯

西來遊宦半忙閒
六日迢迢道路間
回轉羊腸三百里
天教馬上飽看山

寄張仲舉助教

成廷珪

三寄新詩竹下來多君高興憶東淮
塵埃沒馬昏歸舍風雨聽雞曉
入齋此日陽城須諫議當時方朔謾
諧瓊瑤花底相思夜酒滿春城月滿街

涇谷山

王磐

昨日遊黃華抵暮方言還今晨到涇谷
驅馬五松邊未移金門日還指元康
煙山中富清境不暇相周旋大似山陰
客望門却回船空懷上方寺矯首浮雲
顛瀑布落晴雪金燈開夜蓮何當重
經過巖下細流連

鳳臺縣志

卷之十七

詩

三八

周侯祠

蔣芑與

墳穿金甲去英氣孰能齊射虎城南
麓斬蛟祠下溪政聲傳宇宙文燄拂
雲霓莫怪征西事令人倍慘悽

棲霞觀

李誠

太行絕勝在棲霞蒼翠橫空四面遮
行過青溪松頂暗白雲深處是仙家

門外清溪玉一灣屋頭蒼翠四圍山
世間底是真仙景若箇能來此地閑

幾家墟落煙霞外數頃禾麻澗谷中
轉首雲深迷去路恍

然身在武陵中

樹頭嵐氣鬱氤氳砌下清泉亂石分信步松間凝佇久晚
風吹散一溪雲

青蓮山

董雄飛

層巒咫尺對青蓮勝日躋攀會有緣我與白雲盟已久不
須更借買山錢

奉謝張蛻菴承旨先生舊賜詩

照鑑

潞國詩來秘監時青山入夢早思歸於今喜接期頤壽還
憶江南舊釣磯

鳳臺縣志

卷之十七 詩

三九

福巖卽事

善住

村邊幾株紅樹屋外四面青山終日無人能到孤雲薄暮
飛還

太行望

郝經

半天遮斷連青城參差雉堞雲間橫當時十歲初度河舟
中錯愕來相迎今年恰得到蘇門百泉亭上更崢嶸千岳
萬壑人絕壁落日倒銜山盡赤玉立萬仞磔鯨牙金翠千
層擁鼇脊天沈影重看不足雲淨烟虛晚尤碧西北兩峰
寒云是雙石人不覺淚橫臆患難思二親一從戎馬三十

年桑梓慘澹埋荆榛何時突兀過絕頂拜掃圜見鄉井
黃沙神頭聞有千尺松灑盡苦淚吟長風注目只向東海
東

去三汊見太行

二年大河間胸次洶餘浪身與天根浮決漭隨下上靈槎
杳虛舟顛倒泥底樣恍疑渾沌初溟滓天水象揚鞭得西
歸瞠目爲一放舉首見太行逸翠蜚萬丈爽朗肝膽張豁
達器宇曠真宰聳竒骨頓覺天地壯茲山自佳色何乃自
凋喪吾家在椒嶢老霧橫莽蒼松楸日樵采山靈亦悽愴
鳳臺縣志

卷之十七 詩

四十

何時鶴髮翁攜我踏疊嶂雖無錦繡裏粗著文彩狀山河
表裏全自古更霸王於今何索然死石徒映向在人不在
山先民語无妄行行重行行落日兩相忘

遊澤州青蓮寺

皇甫琰

叙分一徑下林巒金碧觚稜紫翠間峻嶺秀攢青菡萏孤
峰突出玉湖山鑿開一屋乾坤小占斷千年日月閑浩浩
兵塵滿河朔天風吹不到禪關

過太行山

周伯琦

太行蒼翠插秋旻疊嶺重關自昔聞戰國東西分晉趙中

原南北帶河汾帝王都邑青青草豪傑勲名點點墳鳥
盤空頻立馬便從高處望飛雲

并州歌送張彥洪使畢還河東 張翥

吾鄉故人零落盡見子老成殊慰心祥金百鍊乃利器桐
尾方焦逢賞音河東臬府幕下士飛傳來作朝正使太和
嶺上盜已空旌旗盡是官車紅殺人如麻道路絕朝狐莫
梟競巢穴嚴風剡起霜倒飛塞日黯淡寒無輝子來未幾
遽言歸使我東望淚沾衣豈不聞并州少年遊俠子手攜
玉龍最輕死并州將軍劉越石夜半登臨長嘯起汾河直
鳳臺縣志 卷之十七 詩 四一

城東廢寺

一逕入荒寂松風長夏寒夜叉棲敗屋魔女出空壇古佛
金全剝遺碑字半剝時逢好事者來剔蘚文看

拾麥吟

大麥黃將上場田家鋤麥村村忙丈人荷擔來何鄉兒牽

嫗衣婦挈囊汗流赤日如暴疰終朝拾穗不盈筐但求糠
粃充飢腸身不及青樓娼風日不別惟膏梁

過天井關

劉秉忠

雲冷風高天井關太行嶺上看河灣九州占絕中原地一
塹攔回左界山王霸分爭圖未捲英雄麈戰血猶殷華陽
春草年年綠汗馬南來不放閑

通濟橋

元長

半空駕起蒼龍春不怕雙溪水來急踏向亭亭高處望東
西有路通南北

鳳臺縣志

卷之十七 詩

四二

繼澤監野畊道壁間詩韻

馬世德

解鞍高卧翠微間借得紅塵半日閑老衲不知何處去白
雲滿地鶴飛還

題葉隱居雪篷

賈 閻

朔風吹雪滿溪灣一葉憑虛獨往還擊楫正思歌玉樹舉
頭驚見失青山曉窮滄海模糊外夜泛銀河浩蕩間笑煞
當年韓刺史苦寒騎馬渡藍關

明

弔藺相如

高 啟

危計難成五步間，置君虎口卒全還。世人莫笑三閭懦，不
勸懷王會武關。

寓感六首之一

攬轡登太行，遙望洛北州。崤函正西峙，黃河復東流。百城
無遺堵，雲烟莽相繆。朝作冠蓋場，暮爲狐兔邱。昔人爭此
地，干戈迭相讎。當其得意時，連陌擁鳴騶。百年奄忽盡，魂
魄空來游。曷見采芝叟，冥棲無所求。

靳老雄

宋 濂

宋鑄歌昭義節度使李鈞據澤潞弗服上御六師平

鳳臺縣志

卷之十七 詩

四三

之爲靳老雄

靳老雄雄勢蹙，連寇師樹高。纛襲邊城施，蠱毒王赫斯。怒
勢如戮百萬，貔貅若林矗。行視嶢嶢勝，平陸升城齊。呼山
岳，覆飛矢，貫臂拔其鏃。雄斯窮，卑炎熇。朱鳥鳴，反舌縮。反
舌縮，四海服。

寄太素居士

王 冕

我昔扁舟上邪溪，尋君只過丹田西。長松月冷啼子規，春
風滿地芳草齊。樓殿玲瓏金碧湧，鐘聲不出松雲重。老猿
掬礪山影亂，翠禽喙露晨花動。此時相見不作難，握手笑

上松花壇壇下十萬青琅玕空陰漠漠常風寒我對青山
論今古青山茫茫無一語知其與我忘爾汝石瓢酌我雲
根乳冷然使我肝膽清飄裙欲渡浮雲輕千峰回影陷落
日萬壑欲盡松風聲回首溪山忽成別幾見江梅飛白雪
洞庭湖上聽夜雨仲宣樓頭望明月
煢煢對景傷古情寸
心欲吐書難憑何當相晤一抵掌與君細看眞蘭亭

女媧墓

徐賁

空山兩高塚媧皇此中葬焦土積層巘勢助殿閣壯大哉
補天手功出千古上至今鍊餘石火氣夜猶放轟雷常擁

鳳臺縣志

卷之十七 詩

四四

護烈風日掀蕩陰林慘可畏怪木高數丈百鳥飛繞枝欲
止不敢向地靈氣所鍾祭禱土人仰經過謁祠下幸獲拜
神像

天井關

峰迴抱深壑下視天鑿井昔人建重關扼險備邊警鍵鑰
久已絕垣石尚森整峨峨尼父祠門掩衆山靜曾聞此回
轍無復過斯境詢知鄉老言此事古未省餘氓數家在破
屋暮煙冷我行力稍疲景物不暇領且爲投宿來驚風夜

愁永

盤子城

當爲碗
子城

前登盤子城山隘勢欲逼路迴上峭絕傍夾千仞壁石狀
如矩斲巨細總方直無泉土脉死草木盡改色高顛有堡
障重門閉重棘陰慘行人險惡意叵易測信知狐鼠輩得
在此中匿我生好壯觀努力更攀陟立久日將晡浮雲渺
鄉國

十八盤

土谷旣深入高山復巘岼微逕纒百尺下轉十八盤俯臨
澗壑險勢陡不可看亂石鬪磊砢置足恐不安長鑱那可

鳳臺縣志

卷之十七 詩

四五

托藤蔓無由攀寸步每千慮舉動如蹒跚心膽掉欲碎毛
髮亦爲寒戰兢尙未足何暇發慨歎平生行路心此日方
知難

羊腸坂

盤盤羊腸坂路如羊腸曲盤曲不足論峻陡苦躑躅上無
樹可援下有石亂蹙一步一嗟吁何以措手足途人互相
顧屢見車折軸少時徒耳聞今日親在目不經太行險那
識安居福

題宋院人畫盤車圖

劉 績

大車盤盤牽不住小車碌碌推還去上阪下阪日千迴不
離太行山側路吳鹽蜀米塞滿箱烏犍耳濕筋力强商人
重貨不畏虎飯牛夜夜宿車傍妻孥不須念行旅橐中有
金皆樂土星餐露櫛逐隊行但願利多無所苦道傍徃來
多折軸誰人肯戒前車覆

旌忠廟弔後唐裴約

王 堅

嬴秦破洪荒末運開五季乾綱倒狂瀾龍虎恣吞噬毒流
滄溟深虐燄乾坤熾誰爲柱石臣力挽回天勢桓桓裴將
軍名節期砥礪伏事李嗣昭騫騰賈英氣夾寨守踰年忠

鳳臺縣志

卷之十七 詩

四六

誠舊昭義嗣昭領元戎甘苦同軍吏一朝解重圍汴水驚
鼎沸周旋二紀餘相親若肝肺南轅守澤城鎮靜得專制
髻鬢巷有歌夜月厖不吠翠華重親征賜姓神堯裔誓將
雪昭陵問罪興漢幟大勲以垂成元戎忽先逝繼韜固佳
兒胡爲反徼利柩中肉未寒略不君親視巍巍基霸功上
黨固屏蔽一朝與仇讐割斷河東臂銜枚汴軍來此邦可
無備酬恩寧死忠臨危敢攜二裏瘡夜巡陴顧與城俱斃
期將先軫元碎作睢陽厲情鍾唐帝懷死獲將軍志當時
一武臣英烈乃如是嗟嗟馮大師曾不知垂涕朝爲仇敵

人暮作君臣契累朝位三公亘古羞犬彘請觀公之爲九
萬見飛鷲堂堂歐陽公直筆著清議官崇刺史封廟錫旌
忠諡芳名重山邱富貴誠夢寐我來守此邦雨暘賴神惠
朝廷饒犧牲春秋謹時祭衣冠儼容儀黍稷加精糈廣庭
聞苾芬旋飈肅鳴騎觚觥暈朱囊豐碑勒雄記始知先聖
王垂教重名器向如始皇君今日皆魑魅再拜瞻廟容斯
文亘天地

松子嶺

蘇祐

松嶺度寒曛高穿虎豹羣太行應絕頂上黨信遺文已覺

鳳臺縣志

卷之十七 詩

四七

中原隘還疑下界分雙旌颭飛鳥縹緲入層雲

秋雨宿黑石嶺

楊巍

嶺險藤迷路山高石作城片雲何處雨孤客此時情茅屋
幾家在秋風半夜生旅魂愁已絕况聽鼓鼙聲

太行山行

石瑤

太行之山何崔嵬巖幽谷隱藏風雷漢軍已料騎士屈魏
武重歎車輪摧其間如陘下如井雲作炊煙瀑垂縷羊牛
只道求層霄雞犬方知接人境山僧何年住山頂亦有山
田二三頃非關避世應避名我欲從之玩流景

岳將軍砦

太行忠義奮如雲
人血淋漓染戰裙
一戰南陽餘孽掃
梁興本是岳家軍

咏煤炭

于謙

鑿開混沌得烏金
藏畜陽和意最深
爝火燃回春浩浩
洪爐照破夜沉沉
鼎彝元賴生成力
鐵石猶存死後心
但願蒼生俱飽煖
不辭辛苦出山林

上太行

西風落日草斑斑
雲薄秋容鳥獨還
兩鬢霜華千里客
馬

鳳臺縣志

卷之十七 詩

四八

蹄又上太行山

登星軺驛樓

驛樓高架與雲齊
晚日登臨思不迷
捲幕全無三伏暑
凭闌轉覺衆山低
閑花故向吟邊落
野鳥偏於靜處啼
十六年來成一夢
後人誰爲繼新題

暑月將自太行巡汴

三晉衝寒到中州
冒雪回山川元不改
節候自相催綠樹
連天暗丹葵向日開
太行雲縹緲搔首意徘徊

到澤州

信馬天將暮離山路轉平川
縈太行驛樹繞澤州城落日
翻旗影長風送角聲孤雲在天際回首若爲情

夏日過太行

信馬行行過太行一川野色共蒼茫
雲蒸雨氣千峰暗樹帶溪聲
五月涼世事無端成蝶夢
畏途隨處轉羊腸解鞍盤礴星
輶驛却上高樓望故鄉

謁李衛公祠

原傑

功施唐世建行祠景仰英風一弔之碑
寫嶽書銘在昔簡遺將畧式今時氣滋
碧草春生早精返蒼冥月落遲廟古

鳳臺縣志

卷之十七 詩

四九

山迴人跡少虬松黛柏掛蛛絲

金陵問

李東陽

宋神宗熙寧中河南程顥以晉城令被薦爲御史時叅知政事王安石方用事帝問顥王安石是聖人否顥對曰詩稱周公之德公孫碩膚赤舄几几聖人蓋如此若安石剛褊自用殆非聖人顥居職八月與安石論時政不合遂乞去安石敬其忠信不深怒哲宗立召爲宗正丞未行而卒留守文彥博叅衆論題其墓曰明道先生

王安石還聖人熙寧天子空稱神程夫子眞聖徒一言非

訐亦非諛世更有人如此無古來君相關氣運河南不問
金陵問一時言千載恨

苦寒行

李夢陽

太行之山何崔嵬天寒谿谷禽獸肥黃熊赤羆力相食翠
翎繡翼徒南飛啄石飲泉百意足野田雉子寒無衣張羅
掛筆伺鳥雀口作鷓鴣鳴且悲鷓鴣小鳥鼓翅落鼎食之
家意不樂頓箸待爾登上品錯奏應鍾開泫堂羶圍錦幄
冬夜長微禽效體樽俎光禿鷺駕鶴當筵翔

雜詩

鳳臺縣志

卷之十七 詩

五十

共工觸山折夸父去無還媧氏懷憂傷煉石思造天妖嫗
鼓哀瑟嬉戲玉臺間草昧怨無侯哲者中自煎小鳥填巨
海蘆灰遏洪川力誠有不及心情良可憐

轅下駒

何景明

轅下駒鳴聲一何悲豈無萬里志跼蹐安能施詰曲羊腸
坂纍纍太行谷車輪不行白日歿仰思玉山意超忽君不
見八駿日行萬里馳烟掠景誰能拘吁嗟乎轅下駒

岳將軍砦

櫂槍弄芒天改色汴京失守乘輿北鄂王唾手復中原兩

河豪傑皆奮力刊山築岩聲裂空和議悞國隳成功千秋
英魂或遊此森森草樹生悲風

星輶驛雨中別林八南還

高叔嗣

驛外陰雲合牕中宿雨含深巖龍自鬪險路馬能諳短髮
星星甚長愁日日堪休將南望淚歸傍二親談

星輶驛

萬山詰曲此孤亭遠客西行暫所經生事不堪頭早白世
情無賴眼常青深林落日憑軒望亂葉吟風隔坐聽寄謝
蔚羅當日者高飛今已入冥冥

鳳臺縣志

卷之十七 詩

五一

宿太行寄憶馬仲房

常倫

盤紆太行道行行衝北風伏馬疲日暮息徒莽蒼中之子
倏異域晤言疇與同展測不能寐撫劒臨前楹明月望霄
漢四衝羅列星咄彼參與商使我心忡忡

送馬守之澤州

王崇慶

寂寞山城裏春風未有花野塘新水細茅店酒旗斜故國
音書斷長安道路賒何時共知傾倒酌流霞

太行歌

祝允明

上客坐高堂聽僕歌太行六歲從先公騎馬出晉陽遙循

厚土足忽上天中央但聞風雷聲不見日月光狐兔繞馬
蹄虎豹嗥樹旁衡跨數十州四面殊封疆童心多驚壯
氣已飛揚自來江南郡佳麗稱吾鄉邈哉雄豪觀寤寐不
可忘人生非太行耳目空茫茫

漢天子嶺

漢光武追
銅馬過此

喬宇

縣西石嶺高龍從羊腸詰曲蹊徑通將軍提兵討河北王
室正在崎嶇中中原赤符歸白水豺虎遁藏銅馬死道傍
過者仰遺踪猶說神靈漢天子

星軺值雪

孟陽

鳳臺縣志

卷之十七

詩

五二

山城二月雪紛飛陡覺寒生客子衣危石潤沾遲馬足傍
途烟爨掩柴扉聲聲林雀棲枝轉點點春花入望微自笑
壯懷渾未已年年關陝兩番歸

初登太行廻望有思

李攀龍

千山立馬送斜暉平楚蒼然色漸微最是東南欲盡處黏
天一點白雲飛

入太行遇風雨回望中原卽景有述

百盤天益孟門雄趙魏山川指掌中一柱雨繚穿落日千
巖雲脚斷廻風黃龍倒峽河流上白馬俄驚練影空自是

壯游尊馭在不將愁向阮車窮

登黃榆馬陵諸山四首

太行山色倚巒岼絕頂清秋萬里看地折黃河趨碣石

迴紫塞抱長安悲風大壑飛流曲白日千崖落木寒向夕

振衣來朔雨關門蕭瑟罷憑欄

西嶺秋高大陸前馬陵寒影踏遙天羣峰不斷浮雲駐絕

嶂長留落日懸地險關門銜急峽山竒削壁挂飛泉何人

更遇清泥坂有客空歌白石篇

西來山色照邢襄北走并州擁大荒巨麓秋陰沙渺渺石

鳳臺縣志

卷之十七 詩

五三

門寒氣雨蒼蒼天邊睥睨懸勾注樹杪飛流挂濁漳搖落

故人堪極日朔風千里白雲長

千峰郡閣望嵯峨此日褰帷按塞過落木悲風鴻鴈遠白

雲秋色太行多山連大陸蟠三晉水劃中原散九河回首

薊門多殺氣羽林諸將任橫戈

早發坡泉薄莫至太行山下

謝榛

地分三晉此山川形勝迢遙在馬前亂石斜通青草路太

行橫斷夕陽天漫垂雲氣孤村雨時暝鄉心幾樹蟬不及

阮宣隨處醉興來卽解杖頭錢

度太行

貧客無定處策馬向蒼茫回首意何極知心交自長野雲
低遠水山鳥度斜陽萬折艱危盡吁嗟此太行

于澤州子冲感懷詩

屠隆

子子洵卓犖束髮著英聲自言御李君嘯咤主齊盟青天
捫日觀海氣朗晶熒一麾導澤潞五馬榮專城旣悟元同
理遂抒拯物情竹素如可托千秋遺嘉名

望太行

唐順之

北望太行山嶺岑霄漢間倚天開疊嶂畫地作重關車向

鳳臺縣志

卷之十七 詩

五四

羊腸轉人從鳥道還一爲寒苦曲淚下摧心顏

攔車鎮謁孔廟

劉龍

孔轍曾聞返太行周流原未到吾鄉犢誅早已聞河上鼠
立空傳在道傍賴有山河雄表裏更憑風俗擅虞唐今逢
四海同文日古廟丹青自夕陽

半癡

徐渭

卮與癡相半禽將鼠共縣味雖供客好各却使人憐所下
惟雙筯何妨少一拳如聞三嗅叟笑殺雉羹筵

冬日遊暖泉

王國光

萬壑烟霞別有鄉朔風羸馬轉羊腸山深似覺樵人語泉
煖猶聞野苻香瑞合青牛高士谷雲連紫府大羅堂夜來
簫管和猿聽誰識蓬瀛興趣長

青蓮寺

峽門深鎖法王庭谷轉丹河浸石屏月上晚山雙角起雲
開曉日一蓮青桂函錦落尙書卷珠閣龍蟠貝葉經縱我
老懷寧忍去時登擲筆入蒼冥

春遊乾明寺

周盤

春深騎馬過招提碧草含烟翠欲迷石徑風來花亂落柴

鳳臺縣志

卷之十七 詩

五五

門客至鳥爭啼雲間好共山僧伴松老偏宜野鶴棲坐對
禪牀啜清茗一聲鐘磬度窻西

飲五龍谿

一脉寒泉石罅生松蘿夾岸醮雲清源深疑傍蛟龍窟谿
靜堪尋鷗鷺盟野寺僧間頻洗鉢滄浪塵遠欲投纓與君
不惜臨流醉爲愛芳湍足解醒

碧落寺松

張養蒙

誰種萬株松森森寺外峯眠雲青靄亂度月翠陰濃曲蓋
凌巖起盤根帶石封風迴清響合雨過碧烟重幹古先朝

花香靜土供水霜原有操桃李豈爲容坐息菩提樹三
生此地逢

宿碧落寺

去住從來未可憑暫偷閒臥碧雲層朝趨梵閣依三寶夜
扣禪關對一燈檻外踈風搖古樹橋邊細雨長新藤端居
悟却無生理渾是山中老衲僧

中秋遊青蓮寺

勝遊那不戀同羣共向禪關叩白雲石磴縈迴千嶂合珠
林窈窕一溪分鷲巖秀落青蓮色龍藏香含貝葉文夜月
禪心清似水何如終日苦塵氛

鳳臺縣志

卷之十七 詩

五六

集樊山最高處分得樊字

張慎言

往時但見白雲樊是日登臨秋滿原山疊層嵐非一貌霞
明細水帶多村暄寒頃刻更單衿晴雨紛紜異旦昏爲囑
諸君休再醉詰朝清櫛看朝暎

里選行爲督學袁臨侯作

千秋元氣安所屬權輿無乃歸文章太樸未分光嶽氣淋
漓眞宰開元黃文章要自有元始炳靈精氣根廉恥古來
帝王與聖賢於中升降而起止所以養氣能知言從來學

問自淵源庖羲諸老至今在吁嗟此道誰能詮淑氣流
難僕數鼎鍾毫髮縣絲縷公道尚存萬分一畧在里選與
鄉舉三十年前此道存弟子先生各自尊誰知三十年一
變世運江河不可論中間瓌瓌羞覩縷竿牘紛紜爭客主
古今名器眞可惜忽將此物換阿堵帝遣文章司命來執
法人兼內外臺手握斯文三寸璽瑤光西指風雲開辭閭
舊牘煩更補爾時聖主已心許無何終爾用其說君明臣
直良千古氣之所主文在茲後先瞻顧憐幾希晷言晉鄙
二三子目擊於焉斯取斯好醜妍媸士自取寂然不囂如

鳳臺縣志

卷之十七

詩

五七

處女何以荆棘與芝蘭造物無私等化雨汪洋千頃淨無
波悠悠我心舞復歌無鹽嫫母各自怨拂拭將如明鏡何
青青子衿歌且舞鉛臭銅腥羞與伍作人造士如斯夫往
者此道棄如土使者自視曩何輕奎壁文昌是爾星象緯
河山關氣色文思千載繫欽明氣運文章相表裏風俗人
心更伏倚今之君子不謂然鄙夫持論終如此參井之間
豈無人重瞳老子尚未死炯炯雙眸照厥里

題璇源張郡侯卻金輿頌冊

董其昌

此判南山不可移頌聲寧獨麥雙岐郎看華表含愁意正

是秦宮照膽時天子再傳關石事史家添入峴亭碑却
應拜黃金賜名姓書屏黼宸知

藺相如廟

裴騫

遺像千年在荒山半畝宮負荆懲小忿完璧有全功酒對
金樽綠花看霜樹紅我來秋色裏感慨思何窮

登太行

章适

躊躇太行道悵望白雲陰親舍偏東極皇居直北深宦途
來復去世事古猶今亦負馳驅意悠悠歲月侵

太行路

申甫

鳳臺縣志

卷之十七 詩

五八

太行路何崎嶇相逢盡道能摧車冷雲直上三萬丈一線
之宇百折通天衢飛猿健鵠不得上古雪空嵌巖但見巔
峯疊獻宛如快劍削出青芙蓉渠霞吐雲蒸如畫圖天壇王
屋遙相望洞府往來飛仙居元氣老不死挺然南坡君子
儒居仁由義力有餘閉戶琅琅勤讀書二老策杖遙相訪
珊珊雜佩鏘瓊琚斂容拱手起坐隅山鬼獨脚呼擲揄秋
風拂焦尾夜月彈昆吾物欲淨如掃玉鑑與冰壺豈是蓬
蒿人真誠大丈夫奈何時不偶笑彼三匝烏熙熙慕景垂
桑榆夜來天使敕玉符策杖遙遙下太行應聘遠朝天子

致君堯舜歌唐虞

青蓮寺

裴 宇

千峰列嶂翠烟籠一徑紆迴石磴通壑轉層臺削壁立林
開組殿倚雲雄東西魏晉昂藏內表裏山河勝槩中獨念
宦遊清賞晚從今結社撫松叢

青蓮寺

王大學

青蓮勝據丹山軸縟嶂屏嵐亂雲矗窮蒼咫尺可躋攀殿
閣巍峩俯林麓山僧磬擊雙峽開薜蘿梯盡上層臺振衣
擲筆巖花落望劇南飛鳥倦回石竅通源清且冽疑有神

鳳臺縣志

卷之十七 詩

五九

蛟此旋結逐客臨流肆濯纓淋漓墨灑成碑碣飛觥徙倚
山之顛如憑鶴馭臨風煙鈞天節奏入絲竹合浦珠璣綴
座筵澗底流虹奮華渚天邊孤鴈來蒼嶼壯心猶自爲秋
驚四顧楓梧墜幾許禾黍垂垂遍大疇斜陽牧笛何悠悠
鐘落空山村欲暮野燈數點剩溪頭篆爐香靄浮丹闕火
樹星繁匝琪樾孤虬吼動萬壑風雙蛾捧超千山月地靈
多產賢且豪丰襟海濶天之高直探龍窟度空谷坐看瀑
布觴隨濤無奈好山僧佔住便欲叅禪誦經句白雲紅日
關我心負却山林此知遇

青蓮寺

萬表

借榻青蓮舍叢雲碧樹林
沍寒人正寂明月夜初沉
幽獨身忘旅虛閒自適心
猶嫌不諱姓漸有客相尋
多病因辭宦山中每獨行
浮雲看世遠短褐覺身輕
出處曾何定衰榮已數更
不須除老病吾欲悟無生

南征

張銓

抗旌出瀘澤飛轡陟太行
太行五千仞曲折盤羊腸
翠嵐冒列岫丹葩被重岡
赤日行林杪輕霞挂石梁
猿狖向客啼鴻雁背人翔
登高一騁望我心慄以傷
故園不可見白

鳳臺縣志

卷之十七 詩

六十

雲杳茫茫相去百餘里已隔天
一方叱馭凌絕險迴車愧
王陽

題望雲思親圖

駐馬徘徊意慘然庭幃遙望白雲邊
憑將幾點思親淚留得唐家二百年

上太行

王心一

驅車上太行山頑無竒石逶迤有千盤
石磴轉偏側譬如摩空鳥漸與青雲迫
俯見蒼崖間春花間紅白山家愛尺
土縱橫界如畫上有千年碑孔父留
轍迹摩沙落日遲返

景射石壁祇慮豺虎驕解鞍投荒驛

鹽車行

文太青

鹽井解州大利權阻修只恨太行山誰牽代北拳毛錦濫
厠蹇蹄共阜閑鹽車飛輓薄其領羊腸縛却追風影伯樂
下車攀哭之驥亦噴鳴爲引頸滿身悉辨五花雲拂拭漉
汗赤鬣整試捷先周地一迴繞日三匝漢關開庸人止解
觀牝牡願君搥碎千金臺

煉石補天引

媧皇補處痕何在安得乘龍摩天蓋我道不補固無害天

鳳臺縣志

卷之十七 詩

六一

門開豁非天壞強掣四維良可怪向來元氣通呼吸謁帝
直窺閭闔外自煉頑石填太虛天眼天耳不如初尙敢貪
功誑我徒帝座有時抉一竅揮墮冥滓總不須

羊腸坂

既出井中天旋向腸中盤碾子谷徃且復磨盤寨環而曲
不堪牛難又巒層欲脫馬牢翻澗復自朝直至日中昃周
遭只在山之腹

轍跡篇

南有橫望北有天井太行冠絕此雙巒七萃不堪御太丙

巉石云攔尼父車如舞兩驂穿恁等至河而返嘆洋洋後
生於此引項領蓋云聖轍指曾西望河如挽中流影轉憶
鳴犢與舜華鳳見覆巢不入境石痕莽互尙交縱髣髴八
龍此馳騁乃知周穆車轍馬足到赤陽賓於王母羣玉之
山亦畫餅竹書誇詡誑齊州漢武故事資談警上元果有
蹇修媒湘君眞煩下女請趙州足陷紙驢橋南山羽飲石
虎嶺元美輜軒不入關代之題名蓮岳頂嘗讀山海大荒
經顛頊山或海外迥卽今聖宇遍天涯更斧豐隆空山永
無地可藏王莽頭晉庫回祿炬一秉

鳳臺縣志

卷之十七

詩

六二

懷明道先生

漢庭吏事不須驚也令扶溝令晉城豈少一雙霹靂手此
翁獨表大儒名

孟門行

丁巳二十日發萬善驛北上太行之麓仰盤二十里至
碗子城爲晉界是爲孟門卽周穆王所登九河之隘者
又盤二十里至橫望鎮狄公反顧河陽處是爲太行之
顛古稱自麓至此爲羊腸坂又北行山顛二十里至星
軺驛有古體詩五首二十一日爲太夫人初度遙拜

然遂陟降山巔二十里至天井關有孔子回車轍跡石
痕如墨花俗稱先聖於此滴硯謁回車廟又降十里一
說爲羊腸坂又三十里至澤州其驛太行有古今詩九
首明日西至陽城縣有古體詩二首明日至沁水縣雪
坂臨壑窮殫險悸有古今詩三首

北陟孟門澄詰曲且巉巖轉輪青天上推轂北斗南後頂
前踵滅前蹄後齒銜盤礴碗子城良嶽覆眉尖築此連山
象河內據而塹斬截太行足上黨失門檻祖宗有深意一
線絕垂驂魁樞枕參首晉星望石甘天街界戎夏王氣豈

鳳臺縣志

卷之十七 詩

六三

須厭我朝都幽冀右臂伏雲嵐井陘實扼要紫荊亦喉頷
山東作僕地中州因蝗蝻生防運道塞眞定掉孤檐徐州
控四達所恃濟寧叅大名犬牙錯齊魏互吞含太岳天城
郭秦蜀鑠帷幃憂國宜着眼山右莫輕譚

橫望吟

自汴量移并法曹親舍河陽反顧勞白雲孤飛寸心忉憐
君陟岵兼陟屺去之百里尚鬱陶而我於役五華矣歲暮
依依嘆歸滔自分肝膽匪金石堪以涕痕澆使袍北山漸
淹王事急僕馬兩旬已出朝

澤州使院松五句體

老龍向我拱而拜
拔地如撐曲柄蓋
山鬼曉事尚可呼
擎此送我出山外
放還仍憂亭前籟

遊碧落寺

張昇

流水滔滔自北來
穿巖激石幾時回
山僧枕上驚殘夢
疑是長空送雨雷

去郡書署中壁

許維新

良因多疾病豈敢問
巢由負俗能無累
懷人尚可留秋風
生桂樹夜月動扁舟
不盡人間事何勞空復愁

鳳臺縣志

卷之十七 詩

六四

乳竇

傅淑訓

山月溪雲映石牀
到來青火入僊房
懸崖乳滴仙人露
怪壑泉飄玉女漿
壺口洞幽仍未險
武陵花滿不聞香
避秦今日逢 說漫說天台在太行

重過太行

碗子城頭白晝陰
振衣直躡碧雲岑
星軺驛引輜軒過
王屋山藏虎豹深
望遠欲窮天外目
登高一寄日邊心
道傍更有迴車轍
衰鳳還爲楚客吟

校士高都追憶舊遊十二經霜矣

空庭無伴影徘徊 朝傳暮角催五馬風流垂欲盡
生狂簡自知裁郢人白雲空留曲燕市黃金有築臺垂壁
尚存五齒長將因投劾賦歸來

澤署阻雨

練國事

方倦山程道路賒又逢積雨對孤衙能添綠竹故園色防
損碧桃前日花不爲微寒思酒力轉因久客惜春華輸將
萬口應呼霽危戍於今正量沙

宿碧落寺

孟思

來往倦行役未暇理幽躅側聞靜者廬窈窕在心曲初入

鳳臺縣志

卷之十七 詩

六五

履巖嶮漸轉開平陸逶迤到山崗金碧絢人目青松肩層
巒白雲隱深谷時值天雨新春景媚晴煦度澗浥花香緣
谿采芳縟始知簪組輕轉覺塵世俗日暮不知歸就此山
中宿

憩碧落寺

孟顏

灑灑清風禪境淨幽人乘興復相過螺崗斜日晴輝滿蚓
澗流光翠色多逕草含霜猶自綠山童娛景任長歌年華
逝水相流轉肯向塵中散委和

遊碧落寺

松深處隱招提攜客捫蘿路轉迷鐘梵遠疑千壑應寺
樓平瞰萬峰齊野藤走壁青連瓦古木橫橋綠覆谿一日
爲僧知便得何須祝髮是皈依

秋日飲松嶺寺

孟雷

松嶺古多寺登臨不憚勞大門盤石下晉普入雲高爽籟
生僧院晴嵐染客袍故人具樽酒列坐盡英豪

碧落寺

孟霽

青山日暮散虛嵐秉燭開樽更盍簪寂寂禪房清夜久棋
聲應過畫橋南

鳳臺縣志

卷之十七 詩

六六

煖泉望城子崖

李蓑

靈山東畔碧湍回社鼓秋高發縣隈萬樹涼風吹不盡一
鞭斜日煖泉來

春夜宿蓮花洞

呂陽

尋眞深入晉山隈試向陰巖問野梅鹿女已從塵外去蓮
花猶傍洞前開律吹一夜春迴谷雲斂中天月滿臺可是
仙蹤知不遠珊珊環珮步虛來

宿蓮花洞

裴邦奇

姑峰千丈插雲隈綽約蓮垂玉洞開一夜靈風天外起

山仙珮月中來星臨幽窟龍珠動露洒長松鶴夢迴
石牀聊偃卧滿空寒翠濕青苔

雙林寺

孫繼魯

南下泉臺三十里忽逢佳寺說雙林山前耕地有千畝門
外好松常數尋涼拂溪風消暑氣香澆澗水滌煩襟覺餘
一枕藜牀夢自掃蒼霞爛漫吟

己卯仲夏予來濩澤署中地頗宏敞前後有蒼松古
栢翠篠映帶軒楹墀下麥穗芄芄更饒野趣坐對
殊不知跼蹐於几席間也

于漢翔

鳳臺縣志

卷之十七

詩

六七

晴烟漠漠草菲菲入座薰風滿絳幃石上圍棋松子落窻
前醺酒棟花飛未能相馬空騏驥漫說傳經有鉢衣此去
太行山不遠白雲許我切瞻依

宛是江南四月天朱櫻紫笋佐賓筵鱸堂許割先生席
閣難分太乙燃麥浪一簾風過隙山烟滿案雨來前收將
墅况供書幄珍重題詩拂錦箋

淨影寺

王緒宏

四圍山壁立天光一線通巖開知鳥道嶂合是幽宮塔影
千年月濤鳴六月風應

法處龍象報神功

太行

傅山

紫盤天井上青幕太行郭風雨詩何壯岡巒氣不奴爭韓
來破趙報楚去吞吳臨老河水眼蒼茫得酒壺

鳳臺縣志卷之

鳳臺縣志

卷之十七

詩

六八